



客家語現代詩 社會組第三名

仝版女人心（四縣腔）

之一 版圓

長凳頭項一袋飽飽个糯米漿
分狗頭鋤樣个竹擔竿 絹等絡索
緊絹緊纏个版袋 泌忒个汁
像歲月
留下版脆 就係撈撈个人生
婦人家緊仝版緊恹
男仔人好豺个嘴
仰等欸到做收冬戲
毛蘭肚一粒粒 接到
紅个圓 白个圓
講到緣份
阿婆當奢鼻
講厥該雙手就係紅線
後生時節个阿公
就係嘴豺个斯文哥
麼人知
一接 就接出
幾十年个圓滿

之二 燒湯菜

日頭下
山林壁角 割禾蒔田

打赤膊
共樣汗流脈落个男仔人
就算背拱拱
背囊砵等一屋大小
遠遠聽到舖娘孩等燒湯菜
一聲 歇睏囉
鑊頭 黏時輕哩
燒風 黏時涼哩
因爭 婦人家輕手輕腳兜過來
食到嘴肚个
毋單淨係一碗像婦人家个手
柔柔幼幼个菜粑欸
乜食欸到
一片心

之三 牛搵水

毋當分開一時半日
手指公在軟軟个菜粑中央
揪隻窟
留下兩儕正知个記號
文火煮出一味堅定
一鑊浮出真情
像日頭當烈 踩踩踏踏
妄想水塘个牛
想搵一身透心涼
男仔人講 後生到老
這婦人家像又辣又甜个辣薑糖汁
佢就係最忠个菜粑欸
恹恹
阿婆好比係水塘
阿公定著係該做一生人

作者感言



王惠美 新北市立深坑國中英語教師

在舊年正通過客語薪傳師个資格，開始用半生熟个客字來創作，這擺就做得著獎，愛感謝評審个鼓勵。

這首詩，係用一個客家人个想像摺觀點，將自家細細个時，對阿公阿婆頭擺生活个心情感受，用最簡單、直接个方式描寫出來，無用忒多花花草草个修辭，故所，會得到評審个注意摺欣賞，正經當歡喜，對客家語文創作這條路，增加當多信心，未來定著會還較煞猛打拚，繼續用客家語文來創作，乜愛感謝教育部對母語傳承个重視。